

საქართველოს კანონი

საქართველოს შინაგან საქმეთა სამინისტროს საარქივო ფონდში დაცული დოკუმენტების გაცნობისათვის ან/და გაცემისათვის დადგენილი მომსახურების სახეობებისა და ვადების შესახებ

საქართველოს 2012 წლის 22 ივნისის კანონი №6539 – ვებგვერდი, 04.07.2012წ.

მუხლი 1. ზოგადი დებულებანი

1. ეს კანონი განსაზღვრავს საქართველოს შინაგან საქმეთა სამინისტროს (შემდგომ – სამინისტრო) საარქივო ფონდში დაცული დოკუმენტების გაცნობისათვის ან/და გაცემისათვის დადგენილი მომსახურების სახეობებსა და ვადებს.

2. ამ კანონით გათვალისწინებულ მომსახურებას ახორციელებს საქართველოს შინაგან საქმეთა მინისტრის ბრძანებით განსაზღვრული უფლებამოსილი საჯარო სამართლის იურიდიული პირი, რომელიც პასუხისმგებელია სამინისტროს საარქივო ფონდის (შემდგომ – არქივი) ფუნქციონირებისათვის.

საქართველოს 2012 წლის 22 ივნისის კანონი №6539 – ვებგვერდი, 04.07.2012წ.

მუხლი 2. არქივის მიერ გაწეული მომსახურება

1. არქივის მიერ გაწეული მომსახურებაა:

ა) არქივში დაცული დოკუმენტებ ით სარგებლობა;

ბ) საინფორმაციო მომსახურება;

გ) ხელშეკრულების საფუძველზე დოკუმენტების სამეცნიერო-ტექნიკური დამუშავებისა და შემფასებელი ექსპერტიზის ჩატარებისათვის გაწეული მომსახურება.

2. დაინტერესებული პირის მოთხოვნის საფუძველზე არქივი მას მომსახურებას უწევს დაჩქარებული წესით.

მუხლი 3. საფასური და მისი გადახდის წესი

1. საფასური არის არქივის მიერ გაწეული მომსახურებისათვის ამ კანონით დადგენილი სავალდებულო გადასახდელი.

2. საფასური გადაიხდება შესაბამისი მომსახურების გაწევის შესახებ განაცხადის შეტანამდე ან მისი შეტანის შემდეგ, უნაღდო ანგარიშსწორებით. საფასურის განა ცხადის შეტანის შემდეგ გადახდის შემთხვევაში იგი გადაიხდება განა ცხადის შეტანის დღესვე.

3. თუ მომსახურება გაიწევა განა ცხადის შეტანის დღესვე, საფასური გადაიხდება განა ცხადის შეტანამდე. საჯარო დაწესებულება უფლებამოსილია საფასური გადაიხადოს შესაბამისი მომსახურების გაწევის შემდეგ, მიუხედავად მომსახურების გაწევის ვადისა.

4. (ამოღებულია – 22.06.2012, №6539).

5. სამინისტროს არქივში დაცული დოკუმენტების გაცნობისათვის ან/და გაცემისათვის დაწესებული მომსახურების საფასურების განაკვეთები, საფასურის გადახდისა და გადახდილი საფასურის დაბრუნების წესები, ასევე საფასურის გადახდისაგან გათავისუფლების პირობები განისაზღვრება საქართველოს მთავრობის დადგენილებით.

საქართველოს 2012 წლის 22 ივნისის კანონი №6539 – ვებგვერდი, 04.07.2012წ.

საქართველოს 2021 წლის 5 იანვრის კანონი №79 – ვებგვერდი, 06.01.2021წ.

მუხლი 4. საქართველოს კანონმდებლობით პირდაპირ გაუთვალისწინებელი საქმიანობის საფასური

არქივი უფლებამოსილია განახორციელოს საქართველოს კანონმდებლობით პირდაპირ გაუთვალისწინებელი საქმიანობა, ასევე დამკვეთისათვის განსაკუთრებული მნიშვნელობის ან ღირებულების მქონე დოკუმენტების გაცნობა, რომლის საფასური განისაზღვრება შესაბამისი ხელშეკრულებით.

მუხლი 5. მომსახურების სახეობები და ვადები

1. სამინისტროს არქივში დაცული დოკუმენტებით სარგებლობის ათვის დადგენილია შემდეგი მომსახურების სახეობები და ვადები:

№	მომსახურების სახეობა და ვადა	ერთეული
1	2	3
1	დოკუმენტების თემატური გამოვლენა ნუსხის შედგენით: ა) საქმეთა შერჩევით; ბ) გამოქვეყნებული ლიტერატურის მიხედვით	10 სათაური 1 დოკუმენტი (ცნობა)
2	მიმოხილვის მომზადება გამოვლენილი დოკუმენტების, შერჩეული საქმეებისა და გამოქვეყნებული ლიტერატურის მიხედვით	1 მიმოხილვა —
3	თემატური შეკითხვის შესრულება ფაქტის, მოვლენის, ცნობის დადგენის (დადასტურების) შესახებ (დადებითი ან უარყოფითი პასუხის შემთხვევაში): ა) 1 წლამდე პერიოდი; ბ) 1-დან 3 წლამდე პერიოდი; გ) 3-დან 5 წლამდე პერიოდი;	1 შეკითხვა



	დ) 5-დან 10 წლამდე პერიოდი; ე) 10-დან 20 წლამდე პერიოდი; ვ) 20 წელზე მეტი პერიოდი	
4	ცნობის (დადებითის ან უარყოფითის) მომზადება: ა) ნასამართლობის, რეპრესირებული პირის, გადასახლების, სპეცგადასახლების, რეაბილიტაციის, ტყვედ წამყოფობის, სხვა ცნობის: ა.ა) განაცხადის შეტანიდან მე-10 სამუშაო დღეს გაცემისათვის; ა.ბ) განაცხადის შეტანიდან მე-5 სამუშაო დღეს გაცემისათვის; ა.გ) განაცხადის შეტანიდან მე-3 სამუშაო დღეს გაცემისათვის; ა.დ) განაცხადის შეტანიდან 24 საათის განმავლობაში გაცემისათვის; ა.ე) განაცხადის შეტანის დღეს გაცემისათვის; ბ) ყოფილი საბჭოთა კავშირის ქვეყნიდან გამოთხოვილი ინფორმაციის საფუძველზე: ბ.ა) ინფორმაციის მიღებიდან მე-5 დღეს გაცემისათვის; ბ.ბ) ინფორმაციის მიღებიდან მე-3 დღეს გაცემისათვის; გ) სამუშაო სტაჟის შესახებ: გ.ა) 1-დან 5 წლამდე სტაჟის შემთხვევაში: გ.ა.ა) განაცხადის შეტანიდან მე-10 სამუშაო დღეს გაცემისათვის; გ.ა.ბ) განაცხადის შეტანიდან მე-5 სამუშაო დღეს გაცემისათვის; გ.ბ) 5-დან 15 წლამდე სტაჟის შემთხვევაში: გ.ბ.ა) განაცხადის შეტანიდან მე-10 სამუშაო დღეს გაცემისათვის; გ.ბ.ბ) განაცხადის შეტანიდან მე-5 სამუშაო დღეს გაცემისათვის; გ.გ) 15 ან მეტი წლის სტაჟის შემთხვევაში: გ.გ.ა) განაცხადის შეტანიდან მე-10 სამუშაო დღეს გაცემისათვის; გ.გ.ბ) განაცხადის შეტანიდან მე-5 სამუშაო დღეს გაცემისათვის; დ) იმავე ცნობის განმეორებით გაცემისათვის: დ.ა) გაცემიდან 1 თვის განმავლობაში; დ.ბ) გაცემიდან 1-დან 6 თვემდე; დ.გ) გაცემიდან 6-დან 12 თვემდე	1 ცნობა
5	სამკითხველო დარბაზში მკვლევართა მომსახურება: ა) საქმის გაცემა: ა.ა) განაცხადის შეტანიდან 24 საათის განმავლობაში; ა.ბ) განაცხადის შეტანის დღეს;	1 საქმე / 1 დოკუმენტი
	ბ) დოკუმენტის გადასაღებად მომზადება: ბ.ა) განაცხადის შეტანიდან 24 საათის განმავლობაში გაცემისათვის; ბ.ბ) განაცხადის შეტანის დღეს გაცემისათვის;	1 საქმე / 1 გვერდი
	გ) დოკუმენტის ელექტრომატარებელზე გადატანა (სკანირება, ციფრული აპარატით გადაღება): გ.ა) განაცხადის შეტანიდან 24 საათის განმავლობაში გაცემისათვის; გ.ბ) განაცხადის შეტანის დღეს გაცემისათვის;	1 გვერდი
	დ) ფოტოპოზიტივიდან სკანირება: დ.ა) განაცხადის შეტანიდან მე-3 სამუშაო დღეს გაცემისათვის; დ.ბ) განაცხადის შეტანიდან 24 საათის განმავლობაში გაცემისათვის; დ.გ) განაცხადის შეტანის დღეს გაცემისათვის	1 კადრი
6	ფოტოგამოსახულების კომპიუტერული დამუშავება: ა) განაცხადის შეტანიდან მე-5 სამუშაო დღეს გაცემისათვის; ბ) განაცხადის შეტანიდან მე-3 სამუშაო დღეს გაცემისათვის; გ) განაცხადის შეტანის დღეს გაცემისათვის	1 ფოტო

2. სამინისტროს არქივში დაცული დოკუმენტებით სარგებლობის მიზნით მომსახურების სხვა სახეობები და ვადები შეიძლება განისაზღვროს აგრეთვე საქართველოს მთავრობის დადგენილებით.

საქართველოს 2012 წლის 22 ივნისის კანონი №6539 – ვებგვერდი, 04.07.2012წ.

მუხლი 6. საფასურის გადახდისაგან გათავისუფლება

საქართველოს შინაგან საქმეთა მინისტრის ბრძანებით შეიძლება განისაზღვროს ამ კანონით დადგენილი საფასურის გადახდისაგან გათავისუფლების პირობები.

მუხლი 6¹. მომსახურების „იუსტიციის სახლის“ მეშვეობით გაწევა

1. დაინტერესებულ პირს უფლება აქვს, სამინისტროს არქივში დაცული დოკუმენტების გაცნობისათვის ან/და გაცემისათვის დადგენილი შესაბამისი მომსახურება მიიღოს „იუსტიციის სახლის“ მეშვეობით.

2. ამ მუხლის პირველი პუნქტით გათვალისწინებული მომსახურების სახეობებს განსაზღვრავს საქართველოს მთავრობა.



3. მომსახურების „იუსტიციის სახლის“ მეშვეობით გაწევის შემთხვევაში „იუსტიციის სახლის“ შესაბამისი უფლებამოსილი პირები უზრუნველყოფენ:

ა) დაინტერესებული პირის ინფორმირებას მოთხოვნილი მომსახურების გაწევისათვის საქართველოს კანონმდებლობით დადგენილი პროცედურებისა და წარსადგენი დოკუმენტების თაობაზე;

ბ) მომსახურების გაწევის შესახებ განცხადების შემტანი დაინტერესებული პირის იდენტიფიკაციას და მის მიერ „იუსტიციის სახლში“ წარმოდგენილი დოკუმენტების მიღებას;

გ) მომსახურების გაწევისათვის დაინტერესებული პირის მიერ „იუსტიციის სახლში“ წარმოდგენილი დოკუმენტების შესაბამისი საჯარო სამართლის იურიდიული პირისათვის ელექტრონული ან/და მატერიალური ფორმით მიწოდებას;

დ) მომსახურების გაწევისას დამატებითი დოკუმენტის მოთხოვნის შემთხვევაში ამის შესახებ დაინტერესებული პირის ინფორმირებას;

ე) მომსახურების გაწევის ან მომსახურების გაწევაზე უარის თქმის შედეგად ელექტრონული ან/და მატერიალური ფორმით შექმნილი და გადმოცემული დოკუმენტის მიღებას, „იუსტიციის სახლში“ მიტანას და დაინტერესებული პირისათვის დადგენილი წესით გადაცემას.

4. ამ მუხლით გათვალისწინებული მომსახურების გაწევის წესი და პირობები განისაზღვრება საქართველოს შინაგან საქმეთა მინისტრისა და საქართველოს იუსტიციის მინისტრის ერთობლივი ბრძანებით.

საქართველოს 2012 წლის 22 ივნისის კანონი №6539 – ვებგვერდი, 04.07.2012წ.

მუხლი 7. დასკვნითი დებულება

ეს კანონი ამოქმედდეს 2011 წლის 1 ნოემბრიდან.

საქართველოს პრეზიდენტი
თბილისი,

მ. სააკაშვილი

2011 წლის 25 ოქტომბერი.

№5140 –III

